

**CONVENIO DE COLABORACIÓN CULTURAL ENTRE O CONCELLO DE
SANTIAGO DE COMPOSTELA E A ASOCIACIÓN CULTURAL MUSICAL-SOLFA**

En Santiago de Compostela, 20 de xuño de 2016

REUNIDOS

Dunha parte, Don Martiño Noriega Sánchez, en calidade de alcalde de Santiago, en nome do Concello de Santiago de Compostela, con CIF 1707900-G e sede no Pazo de Raxoi, praza do Obradoiro, en Santiago de Compostela.

Da outra, dona Lucía Carreira Pérez, en nome e representación da Asociación Cultural Musical Solfa, con domicilio social na rúa de Bruxelas, 3 H - 2º B, 15707, Santiago de Compostela, e CIF G-15634728

MANIFESTAN

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
2. Que a Asociación Cultural Musical Solfa leva a cabo un programa de actividades permanente que se desenvolven principalmente no Concello de Santiago e que se recollen no anexo de actividades que acompaña este convenio
3. Que a devandita manifestación cultural resulta de especial interese para a Concellaría de Acción Cultural do Concello de Santiago en canto á dinamización cultural por medio de distintas actividades, así como polo labor de potenciar e dar a coñecer un repertorio galego, dar a coñecer novos interpretes, promocionar a música nos máis novos e novas, potenciar a relación entre distintas agrupacións e corais.

É por isto polo que se acorda establecer un convenio de colaboración de acordo coas seguintes.

CLÁUSULAS

Primeira: A Asociación Cultural Musical Solfa realizará durante o presente ano as actividades culturais que se sinalan no anexo 1.

Segunda: A Concellería de Acción Cultural do Concello de Santiago colaborará economicamente no desenvolvemento das citadas actividades coa cantidade de 3.000 €, con cargo á aplicación orzamentaria 040/33400/48900 do orzamento xeral do Concello de Santiago de Compostela, que serán ingresados na conta que a Asociación Cultural Musical Solfa, con CIF G15634728, ten aberta en Abanca na súa oficina da Área Central de Santiago de Compostela co número ES05 2080 0394 15 3040003293. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer.

Nesta cantidade obxecto do convenio entenderase incluído o imposto sobre o valor engadido e calquera outro tipo de imposto ou gasto.

Terceira: O pagamento realizarase logo da xustificación do gasto mediante a achega das facturas oficiais e recibos que correspondan, que deberán conter tódolos datos do perceptor, así como a correspondente retención do IRPF. Poderanse presentar os orixinais ou fotocopias compulsadas, a xustificación realizaráse polo importe total da actividade non só pola contía da subvención.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extratos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministros en restaurantes, gasoleiras, supermercados, etc, non podendo superar en ningún caso a contía de 600 €. Acreditarase o pagamento mediante factura ou recibín asinado polo acreedor indicando a data de abono debendo figurar a expresión recibín ou outra análoga.

Terán que achegar os seguintes documentos:

- Documentación acreditativa de que a actividade se realizou segundo o previsto.

- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.
- Certificación da Consellería de Facenda da Xunta de Galicia que acredite que está ao corrente no pagamento das obrigas tributarias
- Certificado de non ter débedas co Concello de Santiago de Compostela
- Ingreso selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e prace do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e prace do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de identificación fiscal

A xustificación das contías poderán realizarse de xeito parcial até acadar o máximo da contía concedida. A presentación da xustificación realizarase seguindo o modelo do Anexo 2.

Cuarta: A data límite para a xustificación do convenio será o 15 de novembro de 2016.

Quinta: O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a súa imaxe corporativa. Asemade a Asociación cultural musical Solfa comprométese ao cumprimento das obrigas contidas na Lei Xeral de Subvencións 38/2003, a partir da data de sinatura.

Sexta.- Este convenio ten natureza administrativa e compételle ao Concello de

Santiago o control da súa execución e a vixilancia do cumprimento do seu contido. O Concello de Santiago poderá, cando o considere oportuno, comprobar o estado de execución das actividades obxecto deste convenio. Crearase unha comisión mixta de seguimento da execución do convenio e para a solución e interpretación de controversias formada pola Concelleira de Acción Cultural e polo representante do beneficiario da subvención.

Séptima.- O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá o reintegro da subvención polas causas previstas no artigo 37 da Lei Xeral de subvencións.

Oitava.- Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante rótulos, avisos, sinais informativos, publicidade, atención directa, etc., así como o obxecto mesmo da contratación, realizaranse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

Novena: A vixencia deste convenio é até o 31 de decembro de 2016. Este convenio rexeirá durante o presente ano e poderá ser prorrogado para o seguinte, por acordo expreso das partes, cos mesmos obxectivos e por unha contía económica non inferior, supeditado á existencia de consignación orzamentaria.

Décima: Será responsabilidade da entidade de Santiago a organización, xestión, publicidade e asistencia técnica requiridas polas actividades incluídas neste convenio. A entidade será tamén responsábel dos traballos que desenvolva e das prestacións e servizos realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.



En proba de conformidade cos termos deste convenio asínase, por duplicado, no lugar e data de encabezamento.

Polo Concello de Santiago

Pola Asociación cultural musical Solfa

Martiño Noriega Sánchez
Alcalde de Santiago de Compostela

Lucía Carreira Pérez
Presidenta de Solfa

ANEXO 1. MEMORIA DAS ACTIVIDADES DE SOLFA 2016

1. Audicións musicais
2. Concertos didácticos de fruta, saxo, clarinete, percusión...
3. Concertos de piano
4. Concertos do Grupo Instrumental de Solfa
5. Concertos da Coral de Solfa
6. Intercambios con outras agrupación
7. Conferencias
8. Dotación de material, partituras, arranxos

Todos os concertos e as audicións están dirixidos a nenos/as, mozos/as e adultos. Normalmente aínda que desenvolvemos a actividade cultural no Barrio das Fontiñas, os nosos concertos, xornadas están abertos a todos os cidadáns.

Os intercambios facémolos con outras agrupacións bandísticas, ou ben traemos grupos xa consolidados que profesionalmente aportan ao público en xeral, e aos membros do Grupo Instrumental de Solfa, en particular, ilusión, coñecementos e a posibilidade de gozar coa música que interpretan, ou a oportunidade de intercambiar experiencias con profesionais.

Os intercambios con outras agrupacións que teñen a mesma afección, parécenos unha experiencia moi interesante para o desenvolvemento cultural dos nenos/as, mozos e mozas que acoden aos concertos.

Queremos e estamos polo labor de fomentar a composición de poemas de escritores/as galegos e a propia Coral de Solfa poder interpretalos. Estamos pola publicación e distribución destas composicións.

Intentamos dotarnos de obras de compositores galegos, facer os arranxos oportunos para que O Grupo Instrumental de Solfa poida tocarlos.

A publicidade dos actos faise mediante cartaces, invitacións, programas e información aos medios de comunicación... O reparto e colocación de cartaces faise pola cidade ou polos vilas ou lugares aos que se vai actuar.

Os gastos económicos para todas estas actividades é moi custoso, tendo en conta aos profesores, publicidade: prensa, radio, cartaces, programas, invitacións, merca de material necesario para desenvolver todas as actividades, traslados do Grupo Instrumental de Solfa e Coral aos concertos...

ORZAMENTO

Dentro destas partidas, inclúese o deseño dos cartaces, publicidade, prensa, transporte do Grupo Instrumental de Solfa e Coral aos concertos, material para os concertos didácticos, xornadas e pago aos profesionais para realizar as xornadas ou concertos didácticos...	
Concertos	400
Concertos didácticos	500
Concertos do Grupo Instrumental de Solfa e coral	500
Intercambios con outras agrupacións ou grupos	1950
Total	3350

ANEXO 2: MODELO PARA A XUSTIFICACIÓN DA REALIZACIÓN DA ACTIVIDADE

D. _____ como representante legal de :

Entidade beneficiaria
CIB/NIF

CERTIFICO:

1º.- Que o programa para o que se concedeu a subvención, e que a continuación se detalla, foi realizado na súa totalidade

Actividade ou programa:
Convocatoria:
Datas de realización:
Importe da actividade:
Importe da subvención concedida:

2º.- Que os gastos xenerados na actividade concreta do programa/s subvencionados son os seguintes:

Nº	CONCEPTO	IMPORTE	DATA PAGO
	IMPORTE TOTAL DA ACTIVIDADE SUBVENCIONADA=		

Que se adxuntan as facturas ou documentos substitutivos correspondentes a estos gastos, así como a xustificación do seu pago.

3º.- Que as subvencións solicitadas ou concedidas por outras Entidades para a realización da actividade subvencionada ascenden a un total de _____ €, co seguinte detalle:

ENTIDADE CONCEDENTE	IMPORTE
	TOTAL=

